




HARMS BROTHERS

TA FELICITA

SRTA. GIANNI DE CUBA



REINA DI CARNAVAL

1982

BISTA ARIBA ELECCION DI REINA

ORANJESTAD(AAN)— Tur aña despues di eleccion di reina di carnaval por tende criticanan ariba SAC, tanto positivo como negativo, critica ariba organizacion, critica di prensa y di radio, critica ariba jurado, critica ariba decision y asina por continua.

Sigur ta cu SAC despues di carnaval ta analiza tur e criticanan aki durante su reunionnan y ta trata na trece mehoracion, pero no ta tur ora e solucionnan of cambionan ta realisabel un dos tres.

E eleccion di reina di Diahuebs anochi atrobe tabata tin su criticanan bon y malo, pero mester por bin cambionan di un manera of otro den e organizacion di e evento aki, mirando cu ta tur aña ta casi e mes comentarionan por tende.

Encuanto e decision por bisa cu mester acepta e decision di jurado, sea cu e ta di exterior of local. Comentarionan encuanto ponemento di jurado local manera e comision juvenil a haci e aña aki, ta keda pa SAC atende den su reunionnan y dicidi local nan ta haya mas conveniente.

Malcontento pasobra tal candidata a ser eligi y no tal candidata ta cos normal di tur aña. Un ta haya cu su reina tabata mas bunita, otro ta haya cu su reina tabata mihor representa, un tercer ta haya cu su reina tabata esun cu mester a gana, otro ta haya cu su reina a bisti mas bunita, y asina por sigui menciona y esaki ta tur aña ta e mes comentarionan ta tende.

Algo recomendable ta pa SAC trata na cambia e sistema monotono di eleccion di reina. Bini cu otro idea. Mescos por ehemplo cu a cambia e sistema di cu Gezaghebber ta balia wals cu e reina, por cambia e sistema di eleccion tambe. Por fracasa un biaha pero ta door di fracaso ta siña.

Diahuebs anochi local a haci falta tabata musica pa candidatnan balia ariba. No tabata steelband siquiera pa anima. Un steelband cu tabata tin tabata patras den publico y tabata esun di mariniernan pa apoya nan reina.

Danki na e cantidad di brassbandnan presente pa apoya candidatnan cu esakinan a haya musica adecuado pa por a balia

ariba durante nan presentacion.

Tur candidata a haya apoyo tremendo di nan fanaticonan, un mas cu otro.

Alarmanan, fluitnan, blaasnan, posters, banners, y strooisel tabata tin na cantidad grandi.

Si tira un bista ariba e apoyo aki por bisa cu Ludwina v.d. Linden di Savaneta tabata e apoyo di mas grandi e anochi aki.

Ludwina tabata e gran favorita den publico. El a ser considera como un candidata masha elegante cu bon estatura, el a duna un presentacion fexcelente y su trahe tabata hopi comenta como un di esnan di mas bunita di anochi.

Despues di Ludwina v.d. Linden, e apoyo di mas grandi tabata pa Gianni de Cuba di Caribe kende a ser eligi como reina. Manera custumber Caribe a presenta cu un batallon di animadoman y Gianni tambe tabata un di e favoritnan grandi pa gana.

Arietta Alexander cu a ser eligi como runnerup tambe tabata tin un fanaticada tremendo, y e tambe tabata un di e favoritnan grandi di publico.

Di Arietta local a ser hopi comenta ta su show cu cheerleadman y formacion di su number di parti di su comitiva.

Arietta cu Ludwina tabata e dos grandinan den favoritismo popular.

Den apoyo di publico, Estrella su miembronan tambe a acudi na cantidad grandi pa apoya nan candidata cu tabata hopi comenta tambe como un favorito. E aña aki, Savaneta Trappers y Estrella a duna



Reina di carnaval di Aruba, Srta. Gianni de Cuba, di 17 aña defilando dilanti publico despues di a ser eligi. Su tras por mira e auto Datsun cu el a gana y ya a ricibi su yabi.



Aki por mira un parti di e apoyadornan di Arietta Alexander cu a ser eligi como runnerup 1982 den e eleccion pa reina di carnaval 82.

e sorpresa di apoyadornan. Alicia Croes di Estrellas

tabata un di esnan cu a duna bon presentacion y cu tabata den e lucha pa titulo sigur como un favorita.

Hopi fuerte tambe tabata Irene Perez di Conny Francis y Margareth Bissick di Oranjestad. Nan tambe tabata tin un batallon grandi di apoyadornan, pero no mas grandi cu Savaneta, Caribe, Trappers y Estrella.

Tur candidata diahuebs anochi tabata tin fuerte apoyo, y e apoyo di un grupo pa otro tambe tabata admirabel.

Local si por a ripara ta cu e apoyo di candidatnan aña pa aña ta birando mas grandi. Candidatanan cu ta representa cierto distritonan antes, e ultimo 3 añanan aki ta haya nan

Sigi lesa pagina 9.....



Esaki ta un bista di un parti di apoyadornan di Ludwina v.d. Linden di Savaneta. Diahuebs anochi, Savaneta a presenta hopi fuerte pa e eleccion.



Conny Francis tambe tabata tin un cantidad grandi di fanaticonan pa apoya nan reina Irene Perez manera por ser mira aki.